

ს

ხელშეკრულება

ზონალური პარკირების ადგილებით სარგებლობის უფლების მოპოვების შესახებ N10.02/10/148

ქ. თბილისი

13.05.2022 წელი

ერთი მხრივ, ქალაქ თბილისის მუნიციპალიტეტის მერია (ს/კ 204521794) (შემდგომში - „შემსყიდველი“), წარმოდგენილი ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელის (ადმინისტრაციის უფროსი) ვლადიმერ ჭილაძის სახით და მეორე მხრივ, შპს „თბილისის სატრანსპორტო კომპანია“ (ს/კ 202886788) (შემდგომში - „მიმწოდებელი“), წარმოდგენილი - გენერალური დირექტორის - გიორგი შარკოვის სახით, „მუხლდული პასუხისმგებლობის საზოგადოება „თბილისის მეტროს“ საფირმო სახელწოდების შეცვლისა და კომპანიის წესდებაში შესაბამისი ცვლილების შეტანის შესახებ“ ქ. თბილისის მთავრობის 2009 წლის 24 ივნისის N16.26.565 დადგენილებით დამტკიცებული შპს „თბილისის სატრანსპორტო კომპანიის“ წესდებითა და „ქალაქ თბილისის ადმინისტრაციულ საზღვრებში სატრანსპორტო საშუალებების პარკირების რეგულირების წესისა და პარკირების საფასურის დადგენის შესახებ“ ქალაქ თბილისის მუნიციპალიტეტის საკრებულოს 2016 წლის 27 დეკემბრის №33-99 დადგენილების საფუძველზე, ვდებთ წინამდებარე ხელშეკრულებას შემდეგზე (გამარტივებული შესყიდვის საშუალებით „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ზ“ ქვეპუნქტის და „გამარტივებული შესყიდვების კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანებით დამტკიცებული წესის მე-3 მუხლის პირველი პუნქტის „ზ“ ქვეპუნქტის საფუძველზე):

1. ხელშეკრულების საგანი

- 1.1 ხელშეკრულების საგანს წარმოადგენს ხელშეკრულების დანართი N1-ით განსაზღვრული შემსყიდველის კუთვნილი ავტოსატრანსპორტო საშუალებებისთვის დედაქალაქის ტერიტორიაზე, ქალაქ თბილისის მუნიციპალიტეტის მიერ სპეციალურად გამოყოფილ ზონალური პარკირების ადგილებით 1 (ერთი) წლის ვადით სარგებლობის უფლების მოპოვება (CPV კოდი: 63712400 - ავტოსადგომთა მომსახურებები).
- 1.2 პარკირების უფლება წარმოიშვება დანართი N1-ში მითითებული თარიღიდან და მოქმედებს ერთი წლის (დანართი N1-ში მითითებული თარიღიდან, სარგებლობის უფლების ვადის ამოწურვამდე) განმავლობაში.

2. ხელშეკრულების საერთო ღირებულება და ანგარიშსწორება

- 2.1 ხელშეკრულების ღირებულება შეადგენს 3200 (სამიათას ორასი) ლარს (დღგ-ის ჩათვლით).
- 2.2 ერთი ავტოსატრანსპორტო საშუალებისათვის პარკირების საფასური, შეადგენს 800 (რვაასი) ლარს (დღგ-ის ჩათვლით).
- 2.3 პარკირების საფასურის გადახდა განხორციელდება 2022 წლის ქალაქ თბილისის ბიუჯეტის სახსრებით, გაწეული მომსახურების შესაბამისად, მიღება-ჩაბარების აქტის გაფორმებიდან 10 სამუშაო დღის ვადაში, ხელშეკრულების დანართი N1-ში მითითებულ ავტოსატრანსპორტო საშუალებაზე ერთჯერადი გადახდით, უნადლო ანგარიშსწორებით, მიმწოდებლის ქვემოთ მითითებულ საბანკო ანგარიშზე თანხის ჩარიცხვის გზით.
- 2.4 შემსყიდველის მოთხოვნის საფუძველზე მიმწოდებლის მიერ განხორციელდება ანგარიშ-ფაქტურის გამოწერა.
- 2.5 სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მე-12 მუხლის 3¹ და მე-10 მუხლის მე-5 პუნქტის „დ“ ქვეპუნქტის გათვალისწინებით, მიმწოდებელი გათავისუფლებულია წინასწარი ანგარიშსწორებისას გადასახდელი თანხის შესაბამისი ოდენობის გარანტიის წარდგენისგან.

3. მხარეთა უფლება-მოვალეობანი

- 3.1 მხარეები უფლებამოსილი არიან მოსთხოვონ ერთმანეთს ხელშეკრულების ჯეროვანი, დროული და კეთილსინდისიერი შესრულება.
- 3.2 მხარეები ვალდებული არიან დაიცვან ხელშეკრულებით გათვალისწინებული პირობები.
- 3.3 დანართი N1-ით განსაზღვრულ სატრანსპორტო საშუალებებზე მონაცემების შეცვლის შემთხვევაში შემსყიდველი უფლებამოსილია წერილობით 5 (ხუთი) სამუშაო დღით ადრე მოითხოვოს პარკირების საფასურის გადატანა.
- 3.4 მიმწოდებელი ვალდებულია 3.3 პუნქტით გათვალისწინებული მოთხოვნის საფუძველზე განახორციელოს შესაბამისი ცვლილება.

4. მხარეთა პასუხისმგებლობა ხელშეკრულების დარღვევისას

- 4.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

4.2 მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.
 4.3 შემსყიდველის მიერ პარკირების საფასურის გადახდის გარეშე პარკირების ადგილებით სარგებლობა გამოიწვევს საქართველოს ადმინისტრაციულ სამართალდარღვევათა კოდექსით გათვალისწინებულ პასუხისმგებლობას.

5. ხელშეკრულების მოქმედების ვადა

5.1 ხელშეკრულება ძალაში შედის 2022 წლის 13 მაისიდან და მოქმედებს 2023 წლის 30 ივნისის ჩათვლით.

6. დავები და მათი გადაწყვეტის წესი

6.1 ხელშეკრულების შესრულების პროცესში მხარეთა შორის წამოჭრილი დავები შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
 6.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.


7. სხვა პირობები

7.1 ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
 7.2 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
 7.3 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.
 7.4 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან).

8. მხარეთა იურიდიული მისამართები და რეკვიზიტები

მიმწოდებელი:

შემსყიდველი:

<p>შპს „თბილისის სატრანსპორტო კომპანია“-ს გენერალური დირექტორი გიორგი შარკოვი საიდენტიფიკაციო ნომერი: 202886788 იურიდ. მის: ქ. თბილისი, ვაგზლის მოედანი №2 ტელ: (995 32) 2 35 77 77 (1190) ელ. ფოსტა: info@metro.ge სს „თიბისი ბანკი“ ბანკის კოდი: TBCBGE22 ა/ა GE33TB7931834070100002</p>	<p>ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულს წელმდგანელი (ადმინისტრაციის უფროსი)  ვლადიმერ ჭილაძე საიდენტიფიკაციო კოდი: 204521794 მის: ქ. თბილისი, ქ. შარტავას ქ. №7 სახელმწიფო ხაზინა კოდი: TRESGE22 ა/ა № GE24NB0330100200165022</p>
----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

ავტოსატრანსპორტო საშუალებების სია

N	ავტოსატრანსპორტო საშუალებების მარკა და მოდელი	სახელმწიფო ნომერი, შიდა ტრანზიტი, ტრანზიტული ნომერი ან „TEST“ ნომერი	მოქმედების ვადა
1.	ჰიუნდაი იონიკი	CG778CG	18.05.2022 - 18.05.2023 წწ.
2.	კია სერატო	GG784BB	18.05.2022 - 18.05.2023 წწ.
3.	კია სპორტიჯი	MX716XM	18.05.2022 - 18.05.2023 წწ.
4.	ჰიუნდაი I20	PD784DP	18.05.2022 - 18.05.2023 წწ.

ხელწერილი
ინტერესთა კონფლიქტის არარსებობის შესახებ

ქ. თბილისი

13.05.2022 წელი

ქვემოთ ხელის მომწერი და ხელშეკრულების გაფორმებაზე უფლებამოსილი პირი ვადასტურებ, რომ ქალაქ თბილისის მუნიციპალიტეტის მერიის მიერ სპეციალურად გამოყოფილი ზონალური პარკირების ადგილებით 1 (ერთი) წლის ვადით სარგებლობის უფლების მოპოვების მომსახურების სახელმწიფო შესყიდვაში მიმწოდებელთან (შპს „თბილისის სატრანსპორტო კომპანია“) მიმართებაში ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და აღნიშნულ შესყიდვაში მონაწილეობით ინტერესთა კონფლიქტში არ ვიმყოფები.

ქალაქ თბილისის მუნიციპალიტეტის
მერიის ადმინისტრაციის პირველადი
სტრუქტურული ერთეულის ხელმძღვანელი
(ადმინისტრაციის უფროსი)



ვლადიმერ ჭილაძე

ხელწერილი
ინტერესთა კონფლიქტის არარსებობის შესახებ

ქ. თბილისი

13.05.2022 წელი

ქვემოთ ხელის მომწერი ვადასტურებთ, რომ ქალაქ თბილისის მუნიციპალიტეტის მერიის მიერ სპეციალურად გამოყოფილი ზონალური პარკირების ადგილებით 1 (ერთი) წლის ვადით სარგებლობის უფლების მოპოვების მომსახურების სახელმწიფო შესყიდვაში მიმწოდებელთან (შპს „თბილისის სატრანსპორტო კომპანია“) მიმართებაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და აღნიშნულ შესყიდვაში მონაწილეობით ინტერესთა კონფლიქტში არ ვიმყოფებით.

შემსყიდველის მხრიდან ხელშეკრულებით ნაკისრი ვალდებულებების შესრულების კონტროლი (ზედამხედველი):

ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელის მოადგილე (ადმინისტრაციის უფროსის მოადგილე)

გიორგი ბირბიჩაძე

ქალაქ თბილისის მუნიციპალიტეტის მერიის ადმინისტრაციის ლოჯისტიკის სამსახურის მეორადი სტრუქტურული ერთეულის ხელმძღვანელი (სამსახურის უფროსი)

მამუკა მელიქიძე

ქალაქ თბილისის მუნიციპალიტეტის მერიის ადმინისტრაციის ლოჯისტიკის სამსახურის მეორადი სტრუქტურული ერთეულის ხელმძღვანელის მოადგილე (სამსახურის უფროსის მოადგილე)

ნოდარ სირბილაშვილი

ქალაქ თბილისის მუნიციპალიტეტის მერიის ადმინისტრაციის ლოჯისტიკის სამსახურის მატერიალური-ტექნიკური უზრუნველყოფის განყოფილების მეორე კატეგორიის უფროსი სპეციალისტი

ნანა ნაკანი